

**BOSNA I HERCEGOVINA**  
*Konkurencijsko vijeće*



**BOSNA I HERCEGOVINA**  
*Konkurencijski savjet*

**R J E Š E N J E**  
**o nepostojanju zloupotrebe dominantnog položaja**  
**privrednog subjekta Telekomunikacije Republike Srpske a.d. Banja Luka**

**Sarajevo**  
**oktobar, 2011. godine**



Broj: 05-26-2-028-76-II/10  
Sarajevo, 12.10.2011. godine

Na osnovu člana 42. stav (2) i člana 11. stav (3), u skladu s članom 11. stav (2) Zakona o konkurenciji («Službeni glasnik BiH», br. 48/05, 76/07 i 80/09), rješavajući po posebnom zahtjevu za donošenje rješenja privrednog subjekta Crumb group d.o.o. Brčko distrikt, Bulevar mira br. 5, TC Sloboprom S, 76100 Brčko distrikt broj: 05-26-2-028-72-II/10 od 04.10.2010. godine i po posebnom zahtjevu za donošenje rješenja privrednog subjekta Telekomunikacije Republike Srpske a.d. Banja Luka, Kralja Petra Karađorđevića 61-a, Banja Luka broj: 05-26-2-028-74-II/10 od 10.10.2011. godine, Konkurencijsko vijeće je na 19. (devetnaestoj) sjednici održanoj dana 12.10.2011. godine, donijelo

### **R J E Š E N J E**

1. Smatra se da privredni subjekt Telekomunikacije Republike Srpske a.d. Banja Luka, Kralja Petra Karađorđevića 61-a, Banja Luka, zbog proteka roka za donošenje rješenja o utvrđivanju zloupotrebe dominantnog položaja iz člana 41. stav (1) tačka c) Zakona o konkurenciji, ne zloupotrebjava dominantan položaj u smislu člana 10. stav (2) Zakona o konkurenciji.
2. Ovo Rješenje je konačno i bit će objavljeno u «Službenom glasniku BiH», službenim glasilima entiteta i Brčko Distrikta Bosne i Hercegovine.

### **O b r a z l o ž e n j e**

Konkurencijsko vijeće je dana 30.11.2010. godine pod brojem 05-26-2-028-II/10 zaprimilo Zahtjev za pokretanje postupka (u daljem tekstu: Zahtjev) u smislu člana 28. Zakona o konkurenciji (u daljem tekstu: Zakon) podnesen od strane privrednog subjekta Crumb group d.o.o. Bijeljina, Knez Ivo od Semberije 4, Bijeljina (u daljem tekstu: Podnosilac zahtjeva ili Crumb group) zastupanog putem advokata Ognjena S. Avlijaša, Trg Kralja Petra I, Bijeljina, protiv privrednog subjekta Telekomunikacije Republike Srpske a.d. Banja Luka, Kralja Petra I Karađorđevića br. 93, Banja Luka (u daljem tekstu: Telekomunikacije RS) kojeg zastupa advokat Stevan Dimitrijević, Gundulićeva 4, Banja Luka radi sumnje o postojanju zabranjenog sporazuma u smislu člana 4. stav (1) tačka d) i zloupotrebe dominantnog položaja u smislu člana 10. stav (2) tačke a), b), c) i d) Zakona o konkurenciji. U toku postupka, Podnosilac zahtjeva je promijenio sjedište društva, te se isto sada nalazi u Brčko distriktu na adresi Bulevar mira br. 5, a naziv društva je Crumb group d.o.o. Brčko distrikt, što je utvrđeno uvidom u Rješenje o registraciji broj 096-0-Reg-10-001290 od 21.1.2011. godine.

Konkurencijsko vijeće je ocijenilo da bez provođenja postupka nije moguće utvrditi postojanje povreda Zakona navedenih u Zahtjevu, te je na osnovu člana 32. stav (2) Zakona donijelo Zaključak o pokretanju postupka broj: 05-26-2-028-9-II/10 dana 02.03.2011. godine.

Članom 41. stav (1) tačka c) Zakona je propisano da je nakon donošenja zaključka o pokretanju postupka Konkurencijsko vijeće dužno donijeti konačno rješenje o utvrđivanju zloupotrebe dominantnog položaja u roku od 4 mjeseca. U skladu sa članom 41. stav (2) Zakona, Konkurencijsko vijeće pomenuti rok može produžiti za dodatna tri mjeseca, što je i učinjeno Zaključkom o produženju roka za donošenje rješenja broj: 05-26-2-028-40-II/10 od 08.06.2011. godine.

Članom 11. stav (2) Zakona propisano je da ukoliko Konkurencijsko vijeće ne donese rješenje u roku iz člana 41. stav (1) tačka c), smatra se da se zaključenim sporazumom odnosno postupanjem privrednog subjekta ne zloupotrebljava dominantan položaj. Na poseban zahtjev privrednog subjekta, Konkurencijsko vijeće u skladu sa članom 11. stav (3) Zakona donosi rješenje da zaključenim sporazumom, odnosno postupanjem privredni subjekat ne zloupotrebljava dominantan položaj.

Konkurencijsko vijeće nije donijelo konačno rješenje u zakonskom roku iz člana 41. stav (1) tačka c) i stav (2) Zakona.

Privredni subjekti Crumb group d.o.o. i Telekomunikacije RS su podnijeli Konkurencijskom vijeću posebne Zahtjeve za donošenje rješenja u smislu člana 11. stav (3) Zakona dana 04.10.2011. godine pod brojem 05-26-2-028-72-II/10, odnosno, dana 10.10.2011. godine pod brojem: 05-26-2-028-74-II/10.

Postupajući po Zahtjevima za donošenje rješenja privrednog subjekta Crumb group d.o.o. i privrednog subjekta Telekomunikacije RS, a imajući u vidu naprijed navedeno, Konkurencijsko vijeće je konstatovalo da je rok za donošenje konačnog rješenja u smislu člana 41. stav (1) tačka c) Zakona protekao, te je u skladu sa članom 11. stav (3) Zakona donijelo odluku kao u dispozitivu ovog Rješenja.

### **Administrativna taksa**

U skladu s članom 2. tarifni broj 107. stav (1) tačka g) Odluke o administrativnim taksama u vezi sa procesnim radnjama pred Konkurencijskim vijećem («Službeni glasnik BiH», broj 30/06 i 18/11) podnosilac zahtjeva je na ovo Rješenje obavezan platiti administrativnu taksu u iznosu od 1.500,00 KM u korist Budžeta institucija Bosne i Hercegovine.

### **Pouka o pravnom lijeku**

Protiv ovoga Rješenja nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovoga Rješenja.

**Predsjednik**

**Ibrica Lakišić**